

'INIKUA OLAKINO 'OLE? 'IMI 'OE I KŌKUA COVID-19?

Manuahi ka ho'ā'o, ka lapa'au 'ana, a me ka lā'au ko'oko'o.

No wai kēia mau kōkua?

No ka po'e 'inikua 'ole a pau, 'a'ole nānā 'ia ke kūlana komone'e. E noi 'ia ana paha ka Helu Mālama Ola a helu aupuni kūhelu paha, 'A'OLE na'e ia he koina e loa'a ai ke kōkua.

He aha ka mea manuahi?

- ✓ Ka ho'ā'o COVID-19
- ✓ Ka lapa'au COVID-19
- ✓ Nā lā'au ko'oko'o COVID-19

Pehea i manuahi ai?

Na ka Papahana 'Inikua 'Ole (Uninsured Program) pekela e uku no ke kōkua COVID-19 no ka pono o ka po'e 'inikua olakino 'ole a pau.



'IKE KŪHOHONU

No ka Po'e Kōkua 'Ia

<https://www.hhs.gov/coronavirus/cares-act-provider-relief-fund/for-patients>

No nā Hui Kōkua

<https://coviduninsuredclaim.linhealth.com>

Nā Hi'ohi'ona Ko'iko'i

- **Ua noa ke kōkua COVID-19 i ka po'e a pau, 'a'ole nānā 'ia ke kūlana komone'e.** Inā ua uku 'ia ka ho'ā'o, ka lapa'au 'ana, a me ka hā'awi 'ana i ka lā'au ko'oko'o e ke aupuni pekela, 'a'ole e pā ana ke kūlana komone'e i ua mau hana nei, a 'a'ole ho'i e hō'ike 'ia ana kekahi o ua mau hana nei i nā ke'ena komone'e aupuni.
- Inā paha 'a'ohē ou 'inikua a ua kākī 'ia 'oe no ka ho'ā'o a no ka lapa'au COVID-19 'ana paha, e noi aku i ka hui nāna 'oe i kākī e pane'e a'e i ia pila kākī i ka Papahana 'Inikua 'Ole COVID-19 a ka HRSA (HRSA COVID-19 Uninsured Program).
- **Inā ho'i 'a'ohē ou 'inikua a e uku ana ke aupuni i kou hui mālama olakino no kou mālama 'ia 'ana ma loko o kēia mau hana kōkua COVID-19, 'a'ole nō pono ke kākī 'ia 'oe.** Inā ua ho'ouna 'ia mai kahi pila ho'ouku, a ua uku aku 'oe, e ho'iho'i 'ia mai ana paha kāu kālā. E kūkākūkā koke 'oe me ko ka hui nāna i ho'ouku mai iā 'oe. Inā 'a'ole kāpae 'ia ka pila kākī, a i 'ole inā 'a'ole i ho'iho'i 'ia mai kāu kālā, e kūka'i koke me ko ke ke'ena HHS Office of Inspector General, ma ke kelepona "Hotline" ma 1-800-HHS-TIPS, a ma ka pūnaewele paha, ma <https://TIPS.HHS.GOV> i mea e hō'ike ai i ka pilikia.
- **Inā 'a'ohē ou Helu Mālama Ola (Social Security Number) a helu aupuni kūhelu (government ID) paha,** mau nō na'e ka hiki ke kōkua 'ia ma kēia mau hana kōkua COVID-19.
- E noi 'ia ana paha 'oe e hā'awi aku i kekahi o ua mau helu ala i ke ke'ena kauka, i ka hale kū'ai lā'au paha, a i ke ke'ena kōkua paha, eia na'e, **ma muli wale nō ia noi o ka mana'o e hō'ioia i kou kūlana 'inikua 'ole** i hiki ke uku 'ia mai lākou e ka Papahana 'Inikua 'Ole.
- **'A'ole nō ho'i e kākī 'ia 'oe no ka hou 'ia i ka lā'au ko'oko'o COVID-19.** Inā ua ho'ouku 'ia 'oe, e kūkākūkā koke me ko ka hui nāna i ho'ouku mai. Inā 'a'ole kāpae 'ia, e kūka'i me ko ke ke'ena HHS Office of Inspector General, ma ke kelepona "Hotline" ma 1-800-HHS-TIPS, a ma <https://TIPS.HHS.GOV> i mea e hō'ike ai i ka pilikia.